



ՍՈՒՐԲ ԶԱԿՈՐ ԱՌԱՋՆՈՐԴԱՆԻՍ ՄԱՅՐ ԿԵՂԵՅԻ

ԽԱՉԿԵՐԱՅ
16 ՍԵՊՏԵՄԲԵՐ 2018

Կիրակնօրեայ Ընթերցումներ Էջ 1
Ծանուցումներ Էջ 2

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳՐԹԷՆ (49.13-23)

Ուրախացի՛ր երկինք, ցնծա՛՜ երկիր,
ուրախաճայն աղաղակեցէք, ո՛վ
լեռներ, Տիրոջ արդարութիւնը պատ-
մեցէք, ո՛վ բլուրներ, որովհետեւ Տէրը
իր ժողովուրդին ողորմեցաւ եւ իր
ժողովուրդին խոնարհները մխիթարեց:
Երուսաղէմի ժողովուրդը կ'ըսէր. «Տէրը
զիս լքեց ու մոռցաւ»: Բայց Տէրը կ'ըսէ.
«Միթէ մայր մը կրնա՞յ իր դիեցուցած
զաւակը մոռնալ, կամ իր որովայնէն
ծնած երեխային չգլթալ. բայց նոյնիսկ
եթէ այդպիսի մայր մը գտնուի, ես քեզ
պիտի չմոռնամ բնաւ: Տե՛ս, ահա, քեզ
ափերուս մէջ նկարեցի, եւ աւերակ
պարիսպներուդ պատկերը միշտ աչքիս
առջեւ է: Շուտով զաւակներդ կը
վերադառնան, մինչ քեզ քանդողներն
ու աւերողները կը հեռանան: Շուրջդ
նայէ եւ տե՛ս, արդէն զաւակներդ կը
հաւաքուին ու քեզի կու գան: Եւ ես,
կենդանի Աստուածս, կ'ըսեմ. անոնք

քեզ պիտի ծածկեն պատմուճանի պէս
եւ անոնցմով պիտի զարդարուիս հարսի
պէս: Աւերակներդ եւ քանդուած ու
կործանած քաղաքներդ շուտով նեղ
պիտի գան բնակիչներուդ համար,
եւ քեզ հարստահարողները պիտի
հեռանան: Օտարութեան մէջ կորսուած
զաւակներդ պիտի դառնան եւ ըսեն.–
“Այս տեղը նեղ է մեզի, տեղ տուր որ
բնակինք”: Եւ դուն ինքնիրենդ պիտի
խորհիս. “Ասոնք ո՞վ ծնաւ ինծի. չէ՞ որ
անզաւակ եւ այրի մնացի երբ զաւակներս
աքսորուեցան ու պանդխտացան, զիս
մինակ թողլով. արդ ուրկէ՞ եկան եւ
ո՞վ մեծցուց զանոնք”»: Տէր Աստուած
այսպէս կ'ըսէ.– «Ահա ես փրկութիւնս
հեթանոսներուն վրայ պիտի տարածեմ
եւ իմ նշանս ժողովուրդներու մէջ
պիտի կանգնեմ. անոնք գրկած պիտի
բերեն քու զաւակներդ, իրենց ուսերուն
վրայ պիտի բերեն քու դուստրերդ:
Թագաւորներ քեզ պիտի որդեգրեն ու
թագուհիներ քեզ պիտի սնուցանեն.
մինչեւ գետին խոնարհելով քեզի պիտի
երկրպագեն ու ոտքերուդ փոշին պիտի
լիզեն, եւ պիտի գիտնաս թէ ե՛ս եմ Տէրը.
ինծի ապաւինողները երբեք ամօթով
պիտի չմնան»:

ՊՕՂՈՍ ԱՌԱՔԵԱԼԻ
ԳԱՂԱՏԱՑԻՆԵՐՈՒՆ ԳՐԱԾ
ՆԱՄԱԿԵՆ
(6.14-18)

Գալով ինծի, քաւ լիցի որ մեր Տիրոջ Յիսուս Քրիստոսի խաչէն զատ ուրիշ բանով պարծենամ: Այդ խաչին միջոցաւ մեղքի աշխարհը մեռած է այլեւս ինծի համար, ինչպէս ես մեռած եմ այդ աշխարհին համար: Կարեւորը մարդուս թլփատուած կամ անթլփատ ըլլալը չէ, այլ նոր արարած ըլլալը: Թող Աստուծոյ խաղաղութիւնն ու ողորմութիւնը ըլլան բոլո՛ր անոնց հետ՝ որոնք այս սկզբունքին համաձայն կ'ապրին. բոլո՛ր անոնց՝ որոնք իր ընտրեալ ժողովուրդը կը կազմեն:

Այսուհետեւ, խնդրեմ, ոեւէ մէկը աշխարհիկ հոգեբով թող զիս չնեղէ, որովհետեւ ես Յիսուսի կը պատկանիմ, ինչպէս մարմնիս վրայ վէրքերուն սպիւները կը վկայեն:

Եղբայրներ, մեր Տէր Յիսուս Քրիստոսի շնորհքը ձեր բոլորին հետ ըլլայ: Ամէն:

ՅԻՍՈՒՍ ՔՐԻՍՏՈՍԻ
ԱԻԵՏԱՐԱՆԵՆ
ԸՍՏ ՅՈՎՀԱՆՆԷՍԻ
(3.13-21)

Մեր Տէրը Յիսուս Քրիստոս կ'ըսէ.՝ «Ոչ ոք երկինք ելաւ բացի մարդու Որդիէն, որ իջաւ երկինքէն, ուր կը գտնուէր: Եւ ինչպէս որ Մովսէս պղնձեայ օձը բարձրացուց

անապատին մէջ, նոյնպէս ալ պէտք է մարդու Որդին բարձրանայ, որպէսզի անոր հաւատացողը յաւիտենական կեանք ունենայ: Որովհետեւ Աստուած ա՛յնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ յաւիտենական կեանք ունենայ: Որովհետեւ Աստուած իր Որդին աշխարհ զրկեց, ո՛չ թէ որպէսզի Որդին աշխարհը դատապարտէ, այլ որպէսզի աշխարհը փրկէ: Ով որ կը հաւատայ անոր՝ չի դատապարտուիր. իսկ ով որ չի հաւատար անոր, արդէն իսկ դատապարտուած է, Աստուծոյ Որդիին չհաւատալուն համար:

«Եւ Դատապարտութիւնը այս է. հակառակ անոր որ լոյսը աշխարհ եկաւ, մարդիկ խաւարը լոյսէն աւելի սիրեցին, որովհետեւ չարութիւն կը գործէին: Ով որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին: Սակայն ով որ կը կատարէ ինչ որ ճշմարիտ է, լոյսին կու գայ, որպէսզի յայտնի ըլլայ թէ իր գործերը Աստուծոյ կամքին համաձայն գործուած են»:

ՀԻՄՆԱԴԱՆՈՒՄ ԱՅԵԼՈՒԹԻՒՆ

Բարեհաճեցէք հեռաձայնել

Արժ. Տ. Գառնիկ

Ա. Քհնյ. Գոյունեանի.

514 909 5203 քիփն:

Այժմ եղե՛ք ԵԿԵՂԵՑՈՅՍ

ԴԻՄԱՏԵՏՐԻ ԷՁՈ

ԵՒ ՁԵՐ ՀԱՒԱՆՈՒԹԻՒՆԸ յԱՅՏԵՑԷՔ
(like).

www.facebook.com/SourpHagopChurchMontreal

Այժմ եղե՛ք ԱՁԵՒ

Ս. ՅԱԿՈԲ ԱՌԱՋՆՈՐԴԱՆԻՍ ՄԱՅՐ

ԵԿԵՂԵՑՈՅ ԿԱՔԷՁՈ՝

www.sourphagop.net

ՏՆՕՐՀՆԷՔ

Տնօրինք փափաքող ընտանիքները,
թող բարեհաճին դիմել

Տ. Գառնիկ Ա. Քինյ. Գոյունեանի,
հեռաձայնելով

514 909 5203 թիվին:

ՀՈԳԵՀԱՆԳԱՏԵԱՆ

ՁԵՐ ԱՐՁԱՆԱԳՐՈՒԹԻՒՆՆԵՐՈ
ԱՁԽՕՐՕՔ ԿԱՏԱՐԵՑԷՔ ԿԱՊՈՒԷԼՈՎ
ԵԿԵՂԵՑՈՅ ԴԻՒԱՆԱՏՈՒՆ՝

514 331 5445 x202 թիվին



ՍՈՒՐԲ ՅԱԿՈԲ
ԱՌԱՋՆՈՐԴԱՆԻՍ
ՄԱՅՐ ԵԿԵՂԵՑԻ

ԳՈՀԱԲԱՆՈՒԹԵԱՆ ՕՐՈՒԱՆ ՃԱՇԿԵՐՈՅԹ THANKSGIVING LUNCHEON

Կազմակերպութեամբ՝ Հոգաբարձութեան

Կիրակի, 7 Հոկտեմբեր, 2018

Ժամը 13:00-ին

Հայ Կեդրոնէն ներս

Մուտքի նուէր՝ \$25

10 տարեկանէն վար երեխաներու համար՝ \$15

Տոմսերու համար հեռաձայնել

Վարդան Բաբախեանին՝ 438 863 0272

Դիւանատուն՝ 514 331 5445 x202



ՍՈՒՐԲ ՅԱԿՈԲ ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻՈՅ 60-ԱՄԵԱԿԻՆ ԱՌԹԻՒ

Հովանաորութեամբ՝

Գերշ. Տ. Բաբգէն Արք. Չարեանի
Առաջնորդ Գանատայի Հայոց Թեմին

Նախագահութեամբ՝

Տ. եւ Տիկ. Րաֆֆի եւ Իւկէթ Թաւութեանի

Կազմակերպութեամբ՝

Ս. Յակոբ Առաջնորդանիստ Մայր Եկեղեցոյ
Հովիւին ու Հոգաբարձութեան

ՀԱՆԴԻՊՈՒՄ/ԼՍԱՐԱՆ՝

ՔՐԻՍՏՈՆԷԱԿԱՆ ՀԱՄԱՏՔԻ ՓՈՐՉԱՌՈՒԹԻՒՆԸ

Ս. Յակոբ Ազգային Վարժարանի «Բաստրմաճեան» սրահին մէջ



Հինգշաբթի, 11 Հոկտեմբեր 2018

19.30 Գերշ. Անուշաւան Եպս. Դանիէլեան՝
Նիւ Եորքէն,
«Մեր Հայրերուն Հոգեւոր Իմաստութիւնը»

21.00 Գերշ. Սահակ Եպս. Մաշալեան՝
Կ. Պոլիսէն,

«Եկեղեցոյ Խորհրդազգաց (mystic) Փորձառութիւնը»



Ուրբաթ, 12 Հոկտեմբեր 2018

19.30 Գերշ. Նորվան Արք. Չաքարեան՝
Փարիզէն,
«Փորձառութեանական Քրիստոնէութիւն եւ Հաւատք»



21.00 Կլոր սեղան՝ «Կենդանի Վկայարան»

3 Սրբազանները իրենց վկայութիւնները կու տան:

